

# **OBAVIJEST O JAVNOJ RASPRAVI – DODATNA SESIJA - NACRT ZAKONA O GRAĐEVINSKOM ZEMLJIŠTU U FEDERACIJI BOSNE I HERCEGOVINE**

22.11.2023 21:38



Federalna uprava za geodetske i imovinsko-pravne poslove

Kako što je zainteresovana javnost već ranije sigurno upoznata oba Doma Parlamenta Federacije BiH prihvatile su tekst Nacrta zakona o građevinskom zemljištu u Federaciji BiH svojim zaključcima utvrdili da isti može poslužiti kao osnov za izradu Prijedloga zakona.

Nakon što je Zastupnički dom Parlamenta Federacije BiH u prošlom sazivu u dva navrata ranije utvrđeni tekst Prijedloga zakona o građevinskom zemljištu u Federaciji BiH skinuo s dnevnog reda svojih sjednica, a Vlada Federacije BiH u sadašnjem mandatu taj Prijedlog zakona povukla iz parlamentarne procedure, Federalna uprava za geodetske i imovinsko-pravne poslove, kao obrađivač, zaključkom Vlade Federacije BiH, V.broj 1667/2023 od 15.11.2023. godine, zadužena je da hitno organizuje dodatnu raspravu o Nacrtu zakona o građevinskom zemljištu u Federaciji BiH radi utvrđivanja Prijedloga zakona i upućivanja istoga u parlamentarnu proceduru.

Obzirom da je izradi ranijeg Prijedloga zakona, koji je u međuvremenu povučen iz parlamentarne procedure, prethodovala dosta opsežna javna rasprava i šire konsultacije ključnih aktera, uključujući i održavanje 'regionalnih' sesija u Mostaru, Sarajevu, Bihaću i Tuzli, što je provedeno u saradnji sa Savezom općina i gradova Federacije BiH, Federalna uprava za geodetske i imovinsko-pravne poslove, kao obrađivač Nacrta zakona, saglasno spomenutom zaključku Vlade Federacije BiH zakazuje dodatnu sesiju u okviru javne rasprave i poziva sve zainteresovane subjekte da se u taj proces aktivno uključe, te svojim primjedbama, sugestijama i prijedlozima doprinesu kvaliteti prijedloga navedenog zakona.

U cilju uključenja šire javnosti u proces javne rasprave Nacrt zakona o građevinskom zemljištu u Federaciji BiH, kao i ranije utvrđeni, u međuvremenu iz parlamentarne procedure povučeni Prijedlog zakona, objavljeni su na web stranici Federalne uprave za geodetske i imovinsko-pravne poslove ([LINK](#)), te su svi organi i institucije, kao i građani i drugi zainteresovani subjekti pozvani da se u taj proces aktivno uključe.

Komentari, prijedlozi, primjedbe i sugestije na ovaj zakonski Nacrt mogu se dostaviti do 05.12.2023. godine, u pisnom obliku, na adresu: Federalna uprava za geodetske i imovinsko-pravne poslove, ul.Hamdije Kreševljakovića br.96., 71 000 Sarajevo ili na e-mail adresu: [goran.brkic@fgu.com.ba](mailto:goran.brkic@fgu.com.ba)

Napominjemo da se oni subjekti koji su svoje primjedbe, prijedloge i sugestije već ranije dostavili (poštom, preko e-maila ili neposredno na završnoj sesiji javne rasprave) ne trebaju ponavljati, ali svakako mogu izraziti sve ono što ranije nisu.

**Sve zainteresovane obavještavamo da će se dodatna sesija Javne rasprave vezane za Nacrt zakona o građevinskom zemljištu u Federaciji BiH održati dana 07.12.2023. godine, sa početkom u 11,00 sati, ul.Hamdije Kreševljakovića br.96., Sarajevo, u sjedištu Federalne uprave za geodetske i imovinsko-pravne poslove, sala za sastanke u potkrovju.**

Sve zainteresovane pozivamo da uzmu aktivno učešće u održavanju dodatne sesije, s ciljem kvalitetne pripreme prijedloga navedenog zakona.